

f Plutarch.
de solert.
Animal.

g Aelian.
H. A. l. 15.
c. 3.

h Aristot.
H. A. l. 4.
c. 10.
i Oppian.
Halieut. l. 2.
c. 5.

k Plin. H. N.
l. 9. c. 15.

a Aelian.
H. A. l. 15.
c. 23.
b Athen.
Dipn. l. 6.
* Apollon.
Rhodius in
Argon.

latere in gurgitibus imis, nisi tepore aliquo evocatos, aut pleniluniis, adjiciat. In natando figuram cubicam, si gregatim vagantur, ^f servant, atque sex lateribus comprehensi, soliditatem ex semetipsis constituunt. Ad promontorium ^g Bubonicum, maximi, suum instar, soli vagantur; alii more luporum bini proficiscuntur; nonnulli more caprarum, gregatim pascuntur. Exoriente canicula, in Euxinum natare contendunt; et marinis fluctibus, et fervide radiato sole calescentibus, inter se velut contexti, confertis turmis sese invicem opacant. *Dormire* ^h in imis gurgitibus, sub saxo aut littore abditos, ⁱ Aristoteles prodidit; et quidem tam profunde, ut ne jacta quidem fuscina, moveantur. Sub Caniculae exortum oestro exagitantur. Haeret ille ubi cutistenuior, sub pinna, et ita miseros divexat, ut saepe in terram ^k *ασπαιοντες* saliant, saepe in naves se conjiciant.

De *Sympathia* et *Antipathia* non est quod multa dicam. Dicuntur Cepphos habere comites, qui carunculas pisciculorum, a Thunnis discerptorum, aquis innatantes, depascuntur. Cum gregatim praeter Italiam acti elabuntur, a Sicilia prohibiti, in majores incurrunt belluas. Majo Menie a Xiphiis ex Atlantico Oceano in mare mediterraneum pelluntur. Non aliter ab iis gregatim in fugam agi, quam ovium greges a lupis Mathiolus author est. De captura Thunnorum agere alterius loci est.

Usus reperere in *Cibis*. Olim membratim caesi ^k cervice et abdomine (*τα εντεριδια* Athenaeus vocat) commendabantur, atque clidio (clidia Thyum festus, Petimen ex Naevio Petimen piscinum, quod est inter duos armos ad pectus, claviculas Medici

vocant) salitis, Omotarichi nomen impositum est, recenti duntaxat, et tum quoque gravi ructu; caetera parte plenis pulpamentis asservabantur. Melandria vocabantur, caesis quereus affulis, simillima. Vilissima ex his, quae caudae proxima ^l *αωρτα* dicebantur, quia pingui carenti hinc *απιόνων* nomen, probatissima, quae faucibus, Pelamides in apolectos, particulatimque confecti, in genera Cybiorum (sic dicuntur seu falsamenti frusta quaecunque in formam *κυβοειδη* dissecta; vel quae ex dorsi partibus cervici elidioque proximis) dispertiebantur. Alexis caput, commendabat, caudam Antiphanes. Falconius Hetruscus eruditioris gulae ganeo, novum et sapidissimum obsonii genus ex iis commentus est. Athenaeus *εν μυρτάτω* (intritum hoc, ex aliis et aliis condimentis) aliis piscibus praetulit. Alii falsamenta, quae *θυνναία* seu *θύνια* potius, quam recentis piscis quamlibet partem praeferunt. Sunt quippe Xenocrati apud Oribasium stomacho inepti, mali succi, flatulenti, ad excernendum difficiles. Galeno, dura carne praediti, et insuaves. Archestratus tamen nobilem Thunnum circa Byzantium, Carystum et Siciliam; praestantiorum circa Cephaem et Tyn-daridem oram; praestantissimum circa Hipponium Italiae, nasci, circa Samum ingentem, et deorum conviviiis dignum capi, prodidit.

Praebent et in *Medicina* usum. Sanguis ^m fel, et jecur, sive recentia sive servata, vim psilothri obtinent. Non pubesciturum, qui in pueritia iis illitus est, ⁿ Aelianus affirmat. Omotarichus ^o largius sumptus, Presteris serpentis venenum retundit. Cybiorum cinis, cum melle ad Condylomata confert.

ARTICVLVS II.

De Pompilo et Amia.

TAB. III. 5. **P**OMPILVS seu *παρά της πομπής* a transvehendo, (fabulantur enim Pompilum hominem *πορθημέα* ^a portitorem, vel ut ^b Athenaeo placet *θαλασσεργόν*, ab Apolline ^{*} quod Ocyrhoen puellam trajecisset, in sui nominis piscem transmutatum) seu quod navigantes in alto mari ad conti-

nentem usque comitetur; aliis facer piscis, aliis *πόμφυλος* dicitur, et a ^c Plinio inter Thunnos reputatur. Athenaeus ^d Pelamydi similem et varium esse inquit. Rondeletius ^e pro eodem, piscem squammis carentem, in dorso varium et maculosum, in quo a branchiis ad caudam linea

magna